

天

史

問天亭放言序

夫詩無益於人而有益於人也。無益於人者，非如粟米布帛之能飽煖其軀，而有益於人者，文姬嫁胡之第一夜也。不寧唯是。鼻端虫去，而山花紅笑遊人。林禽果首，而蒼鳥慧罵春凡。若乃

州巽斷。六山之景未昭。直宵呼跡。滌而

之志不就。寒香引艷。似罕出掛心石膽。

又何怪不正不生。不廢者藥墜耶。宋儒

學道之功。收於文信者較厚。而聲伎自

娛。未嘗與方冠武也。豈非忠孝者。執

然之事。性情之濡。若而生。非一譚說。

發論而爲之乎。天下心得其性情之趣。性情之厚者耳。忠孝畢收矣。古所取。爛朝報而報之也。楚霍先生携其元。方著書名山。皆存於彰善。而權歸於。痛惡。名其書曰天史。此其心何如者。不亦甚盛乎。然楚一夢。天公至今未醒。縱。

其克定而君子常受其施小人常當其  
報固不敵矣。知其間或訛或噬。又多不  
可知者乎。吾羨夫山中之人而為此  
曠。教之言也。吾悲夫山中之人而為此  
持世之書也。

同社晚學丘石崇題

陶天亭目錄

聽水聲 二首

飯魚行

捫蝨歌

丙寅七月同孫江符閉關

丘虎方啟關

橡檟山人歌

磨劍行

辛酉孟冬同光弟見復遊五朶贈友人王子

戊辰九月自城移家入山 五首

己巳孟春歸山道中作

電

猛虎吟

東溪園中晚秋有懷丘五區

石鱗

老馬

老女

老将

老樹

放雉

伐惡木

雨後池上看注水

春日山中獨坐

述往事戒子玉章

春晚登東山

詠盆中石菖蒲

下第途間題壁



獨遊廢寺

壬申秋避亂山居

看東溪漲時東亂後

官軍行

哀朱太守 并引

哭王鍾仙 四首有引

五日採九仙山石菖蒲同季鶴汀泛酒

同臧美斯劉奎虛從青霞君夜醉

山中謝俗子

余以庚申別虎丘今十二載矣辛未冬聞故人  
陳古白趙凡夫俱先後謝世遠念舊游踴長  
言之

九日遲立子廩不至明日欲追遊東山又不果  
丘子廩贈詩山樓兼饋藟藟露

青霞洞

南山白

龍打雷

拜明空和尚

喜明空入山因捐山之東建寺

讀王鍾仙遺藁

殞李鶴汀方士南山下

冬園散步 二首

談天

秋山夜靜聞磬

問山中所遇

盆中石

盆中魚

盆中松

仲冬宿五朶山房 二首

雪夜山房聞東谿寺鐘

春日山居 二首

過東溪隨意往

獨酌池上

同江雪門游淮上湖心寺禮懺

秋日山居即事 二首

醉

白髮

琅邪臺觀海 二首

秋典和子廩時余將有遠行

歷下贈胡慕山 二首有引

醉婦月下 二首

秋日雨後同李方壺九弟登超然臺 一首

秋日過山居

春日過孫桑克同王中山登樓和壁間韻

過刺史孫德履園時將旋里

甲戌春丘子知子廩東園文會甚盛事也予  
過不厭

山中懷京師大兄

聞孝廉侄如雲得上品牡丹兼詢分花久法

別德州孟幼輿兼寄盧德水進士

明空上人同大眾開田

題畫寒山圖寄長山劉永載

秋夜

識薄交人

癸酉仲冬送九弟會試

有引

不答庵獨坐天史告成

二首

懷鶴

并序

問天亭放言

丘玉常子如甫

同社

閱

丘石常子廩甫

東武丁耀亢野鶴甫著

聽水聲

水情一何怒。水性本自喜。奔騰勢不休。澎湃互相倚。  
後先豈逼迫。動靜有至理。觸物不得所。吞啣何能已。  
突然豈無恨。下與亂石逆。自有氣平時。迴旋忽而靡。  
清淨失常道。滂激因如是。何如山下泉。澹然甘且旨。



上有餘年木，下有長尺鯉。蛟龍不敢吸，時礪幽人齒。

其二

在山水聲清。出山水聲濁。水聲本無意。清濁各有樂。  
道根自冥漠。耳性分卑卓。觸岸成雷奔。穿石如鳥啄。  
搖曳琴瑟來。聚散牛馬角。終歸滄海遠。豈戀岩窟潛。  
萬里方超忽。此地轉悠逸。雷霆戰龍螭。時去爲水電。  
勢散不掩芥。力聚已搖嶽。變化無常形。去留杳難捉。  
明月照不停。靜者全其璞。

飯魚行

小池秋氣涼如澗，北風吹荷捲敗扇。中有赤鯉成眷族，聽慣履聲識我面。大魚強解知人意，鼓鬣揚鬚有餘勢。小魚伸喙呼爲翁，不敢前行皆却避。強捷爭先吞麩餌，弱者乞憐衆不理。主人下施豈有心，造化愚人應若此。我爲小魚氣不直，到口被奪空喘息。豈期一餌瞥然投，大魚相持小魚得。靜觀得失各有時，巧拙開忙魚不知。共遊藻荇何其樂，投以美利來相疑。水天寥廓失常性，所得幾何爭不定。垂餌開端我不仁，何如飲水同清淨。

捫蝨歌

十年纔一裘，敝縕垂過膝。偶爾拋長鏡，短褐曝簷日。  
懸鶉生洞窟，血肉感氣質。物久造化蕃，誰非體之壹。  
不意雞肋薄，借居有雙蝨。蝨動自情性，我膚已先必。  
伸手得其處，纍纍走貫袂。微末具全靈，至理安可詰。  
也知在人掌，生歿動哀恻。悲泣細不聞，但見奔藏疾。  
黠者走而免，愚者困無術。是蝨在禪時，衆蝨呼爲帥。  
兒孫聚都邑，往來有連率。不識惠廸理，狂肆恣狎暱。  
我身如塊地，瘦骨爭翠嶽。毛髮構林圃，汗滓供餽饗。

覆載本無心。痛癢豈能悉。至仁雖不殺。多取誠可嫉。  
赦之必不悛。誅而嚴以律。豕腹飽彭亨。蝻食已盈溢。  
后羿貫懸輪。有畀投荒裔。不然漏法網。轉使貪饒密。  
蟲。訴。雖。默。默。匍。匍。對。以。臆。自。言。有。恒。性。終。身。無。變。色。  
趨。貧。不。趨。富。守。白。亦。守。黑。澹。泊。寡。所。管。取。世。何。其。奮。  
美。服。患。人。指。納。汗。有。至。德。水。深。不。厭。魚。林。茂。多。歸。翼。  
君。實。蟲。之。母。一。身。廣。萬。億。稼。穡。賴。梳。櫛。陵。谷。隨。升。陟。  
必。欲。私。形。骸。天。地。先。爾。匿。放。歸。處。大。漠。扒。搔。廣。孳。息。  
蟲。舌。雖。云。伐。蟲。氣。本。自。直。我。亦。處。棍。櫛。誰。能。逃。此。國。

丙寅七月同孫江符閉百日關

掃地焚香。淡下簾。真心塞兌。學參禪。耳根靜。不聞雷。  
霆。眼界空。能見聖賢。起坐自尋。皆得所。人天無揆。  
忘言。悠悠獨返。從前覺。欲渡迷津。泛鐵船。

其二

學不成。狷反墮。狂回頭。廿載揔茫茫。妄心纒。縱窮能。  
鎖夙孽。難追。謗可償。杯水偶迷浮芥。蟻籬垣。常繫觸。  
藩羊。蕭然環堵。開天地。止與人間隔一牆。

關中即事

風鳴窗語月疑鬟。萬境無心細可參。皆竹入簾窺研  
水。瓶花眠鏡隱屏山。沿牆蝸角畏人縮。收網蛛絲墮  
地閒。巾履翛然拋卷後。一盃茗茗共開顏。

丘虎方啟關

閉關三月草稱玄。滿屋書聲隔壁傳。地似夢柯成國  
邑。人如剖橘出神仙。洞開門戶青苔合。關破藩籬明  
月寒。君到自當排闥入。室中驚咤面光圓。

橡櫨山人歌

山不卑。亦不高。四圍翠玉橫青綃。水不淺。亦不深。一

溪寒穀鳴秋琴。家不貧。亦不富。澗有芹菘園有芋酒。  
熟還邀麗德公。擢空不累黔婁婦。身不勤。亦不懶。帶  
索行吟長復短。樹影牛眠菽蒲深。雨聲雞舞圖書滿。  
長鏡短鍾露肘髀。日向山中種桃李。結茅劈岩架屋  
數十間。野花幽樹栽成里。自飯黃犢入青林。歸來濯  
足前溪水。溪上落花細。溪下白雲深。白雲落花同氣  
味。寒香澹澹漁樵心。痛哭長嘯皆有悟。世人那復知  
其故。隱不成。狷傲不狂。十年縮頸同寒鷺。不及空山  
捫隻履。朝看山白暮山紫。霧冥煙霏不敢唾。脫衣獨

醉眠石底。眠石底。鹿麋踐踏。忽驚起。傍有草蔓刺人耳。芝蘭盤結香芳芷。採蘭剪草無全功。欲請東山黃。與綺黃綺不見。奈若何。蘼蕪青葛自成窩。等待新松高十丈。滿林明月聽婆娑。

磨劍行

三尺照膽銅。燁燁奎壁天。世人不知珮。寒光冷沉沉。入淵自從劍。去天奪氣壯士吞。聲幽鬼泣。魑魅橫行。蟄豕盤。霹靂機槍滿天地。燕丹怒竭荆卿歎。秦爭楚戰烏龍睡。白帝入關赤帝藏。當時此劍生光芒。黃金



爲鞘玉爲錯。鹿盧宛轉星辰裝。寒冰射。昨日在手。白虹刺天光。燭斗重匣。淡掩鯨鯢滅。千城坐鎮風雷吼。從來治亂各有時。劍隨氣運那得知。凡鐵弄權利器。隱屠龍反以屠狗啗。苔蝕土繡日月黑。鋒韜鋤歛神明私。豈知寶氣終難散。亘天夜半驚雷煥。又隨拂拭上青雲。不向豐城埋紫電。人間刀戟錚錚鳴。神物一出皆無聲。泰山礪石淬東海。提携天子歸神京。劍兮劍兮。光陸離。行藏用舍皆吾師。但願功成不用殺。五陵輕薄何足爲。

辛酉孟冬同九弟見復遊五朶醉贈友人王子  
王子吹簫過海東。翩然一鶴來相從。纔離華岳山頭。  
井。卻。憇。蓮。花。海。上。峰。摩。娑。青。天。如。石。壁。手。量。銀。河。幾。  
千。尺。唾。月。呼。煙。到。九。仙。踏。遍。崑。崙。恨。天。窄。九。仙。只。在。  
海。東。岸。遙。望。蓬。萊。隔。一。線。不。須。東。致。安。期。生。對。岸。長。  
揖。可。相。喚。有。客。西。來。瘦。似。樵。放。歌。提。酒。歪。騎。驢。赤。松。  
未。遇。傳。丹。訣。黃。石。曾。逢。得。素。書。丁。家。兄。弟。皆。仙。骨。不。  
向。人。間。戀。華。髮。同。跨。金。鰲。醉。裏。回。一。杯。先。吸。滄。洲。月。  
余自乙丑秋營東溪書舍結茅種樹夾計卜居

於橡檟山之陽。至戊辰九月復造。煑石草堂焉。  
是月自城移家。因爲詩以落之。

十年蹙蹙竟何之。蚤種荒崖數畝苗。坐看流雲知變態。閑疏灌木耐橫枝。山川住久通靈氣。風雨頻來啟靜思。敢借終南蕞桂隱。牛衣終有放歌時。

其二

陶令兒郎諸葛妻。妻能炊黍子蒸藜。一家命薄皆隸隱。十載形勞合定棲。野徑看雲雙屐蠟。石田得雨半犁泥。泉清不以濯牛耳。坐聽山禽近水啼。

其三

百計謀生爲養身，養身無道遂勞神。  
園林苟有應知富，書卷猶餘不謂貧。  
帶鶴算糧多一口，舉杯邀月止三人。  
誰能共結忘機社，海鳥溪雲已卜鄰。

其四

閑看秋水洗雲根，嵐氣氤氳綠滿村。  
黃石赤松仙眷族，丹山碧壑古乾坤。  
迷蕉覓鹿原非夢，破橘尋棋別有門。  
拋却長鏡拾橡栗，欲將樵牧養兒孫。

其五

南。山。石。爛。水。清。清。歌。罷。牛。眠。一。笠。橫。妄。想。頓。從。霜。葉  
落。道。心。忽。向。月。華。生。閉。行。課。鳥。占。農。歲。夜。起。瞻。雲。識  
曉。晴。欲。啜。糟。醅。求。獨。醉。田。多。種。黍。類。淵。明。

巳巳孟春自城歸山作

枯木向人尊。寒鳴嘯野昏。靜觀山欲笑。行共石忘言。  
雲老鷓鴣困。風高鳥雀喧。乾坤猶解脫。何物羈籠樊。

電

忽爾陰陽謬。詭言上帝庸。物當一日劫。運值片時冬。  
兼危驟雷電。玄黃戰火龍。至人憑化理。端坐轉從容。

其二

雨。點。大。如。手。暴。炎。忽。暴。涼。雲。乘。妖。蜺。變。水。挾。颯。風。翔。  
不。識。物。何。罪。翻。疑。天。欲。狂。何。當。立。消。滅。悠。久。在。春。陽。

猛虎吟

昨。夜。山。頭。七。里。霧。黑。風。吹。折。南。崖。樹。猛。虎。白。日。繞。林。  
行。張。鬼。褫。衣。爲。驅。路。不。食。麋。鹿。但。食。人。上。帝。命。之。爲。  
不。白。爪。牙。雄。武。有。天。縱。古。往。今。來。稱。大。臣。

東溪園中晚秋懷丘五區

石。稜。松。鬣。蒼。蒼。娟。娟。潭。水。知。秋。爽。氣。先。一。壑。陰。晴。分。曉。

色千林高下出。疎煙霜寒漸老垂。藤果日薄猶鳴抱。  
葉。蟬。晚。上。小。樓。新。酒。熟。無。人。辜。負。菊。花。天。

石鱗

山鱗以石名。疥癩瘦甲成。小身不自量。具體也。橫行。  
香。含。冰。雪。味。寒。入。齒。牙。聲。我。亦。持。螯。客。搜。尋。欲。解。醒。

老馬

老馬關山遠。孤鳴聲帶秋。西風雙掠耳。落日一回頭。  
骨。重。人。難。跨。蹄。輕。道。未。脩。恨。多。皮。相。者。不。喜。瘦。驂。驅。

老女

老女垂鬢髻，低眉歛素蛾。曉粧憐對鏡，秋織恨拋梭。  
被薄鴛鴦冷，床空蟋蟀多。隔隣看新婦，簫鼓夜來過。

老將

老將悲衰落，幽燕氣尚雄。此鬚猶挂劍，猿臂已傷弓。  
帝寵嫖姚少，人知頗牧忠。低頭憐戰馬，日落大江東。

老樹

老樹風霜古，蒼然歲月淡。蟠根堅抱瘦，挺幹冷披心。  
材大難爲用，叢神未可侵。自憐舟楫貴，托迹遠山岑。

旅雉



耿介應遭急。文章不庇身。鷹鷂豈有怨。強弱自輸人。  
見草猶思伏。投林敢認真。歸來聞一雉。珍重保淡恩。

伐惡木

南山蒼蔚多亂雲。千尋灌木翫幽鶯。上有蜘蛛結網  
之。在絲纏綿蟲蝶勢矯矯。下有鼯鼠穿洞之陰穴。呼  
風號雨蛇腥繞。橫占大道人不行。餘氣盤據驕稱尊。  
天生惡性易蕃茂。臭腐久蝕陰陽精。日月不照土氣  
歿。毒濕力盡天終傾。西風昨夜下林莽。磨取長鏡成  
獨往。山鬼迷人無借。鷲鷄叫月絕其黨。霹靂聲隨

雪。又。揮。根。翻。倒。地。空。十。圍。念。君。枉。長。太。枝。葉。化。作。空。  
山。螢。火。飛。

雨後池上看注水

小築空庭月一方。通渠引水自相將。已浮萍影開清。  
照未種蓮花有淨香。接雨魚浮羣仰沫。迎風燕墮喜  
翱翔。新橫短檻堪容榻。誰過習池醉不妨。

春日山中獨坐

陽春萬事得相宜。大道無心靜者知。鳥度溪中忽寫。  
照人來林下。偶逢詩山。茂草木皆成。際天遠川。陵不。

隔籬坐看百。花開謝了。水窮雲起。是何時。

述往事戒子玉章

少年容易老。莫恃歲月長。我昔如爾時。面髮光煥燦。  
才高轉游惰。放廢學清狂。忽忽十年遊。轉眼驚蒼黃。  
讀書有妙理。動靜常相妨。入市違流俗。入山羞道穢。  
所以三旬餘。岐路逐亡羊。途窮易顛躓。志大多荒蕪。  
銳年已去半。能經幾徬徨。海帆有駛流。崖巒無回輻。  
清濁隨纓足。小子歌滄浪。

春晚登東山

夕陽影裏亂山多。春雪流澌下碧波。偶爲看雲來遠  
橋。閑隨採藥入靈阿。黃金氣索砂方賤。綠綺聲調道  
性和。盡日著書長不厭。飯牛歸去夜聞歌。

詠盆中石菖蒲

菖蒲九節靈。猶帶寒雲氣。產此僊人糧。治茲聾與聵。  
我行萬山中。謁之如見貴。蒼龍護禿尾。青蠅避辛味。  
高遠通神明。服食生敬畏。奉以滄浪清。不敢埒凡卉。

下第途間題壁

莫因蕭瑟笑。予將風雨舞。銷日月光。夢裏問天空。有。

路。愁。來。渡。海。苦。無。航。欲。拋。書。篋。終。何。事。便。放。盃。觴。耐。  
自。荒。若。比。英。雄。應。不。減。人。間。多。少。夜。郎。王。

獨游廢寺

古。木。荒。垣。野。火。青。暗。風。吹。土。上。旛。鈴。空。厨。鳥。啄。天。花。  
飯。別。殿。狐。翻。地。藏。經。壁。面。九。年。非。頓。悟。當。頭。一。棒。未。  
全。醒。誰。能。共。解。無。生。說。秋。草。寒。煙。月。在。亭。

壬申秋避亂山居

披。荆。入。淡。谷。下。有。野。人。屋。門。巷。渾。白。雲。藩。籬。帶。幽。菊。  
秋。氣。何。寂。歷。日。光。正。落。寞。開。荆。垂。樹。栗。饑。摘。盤。醬。菽。

風急動砧碓。天高餘樵牧。愁思咽寒泉。孤蹤倚落水。  
坐看林影變。行見稻芒熟。淒淒晚鳴蛩。筑筑獨立鷺。  
天心方悠悠。人事亦碌碌。東賊圍不解。西兵膽猶縮。  
流民血裹瘡。運車泥沒輻。輕身羨去燕。側耳驚逐鹿。  
中夜起傍徨。獨坐念傾覆。安得秦人源。同行邁卜筮。  
看東溪漲時。壬申東亂後。

山水滾石如壓斗。衝壓不服石。反走水狂石怒。兩相  
魚崩擊。餘波及敗柳。東崖宿石沒鐵牛。屹立中流時。  
昂首衆石見之作其氣。引類爭投共呼吼。水勢追吞

不可回。過峽。麋爭那敢苟。漩窩下。射東崖。抵石性不。  
移。終有守。前山瀑布氣不平。遙應後軍來。接肘奔流。  
雖勇有觀望。避石傍行。反解紐。魚蝦遠徙。淺灘涯微。  
織恐入蛟螭口。君不見。昨日半天龍。取水雨中鯉。鱗  
大如手。

官軍行

官軍過處如虎屯。婦女逃走村。起塵雞犬甘心供。兵  
食臨行劫掠還。傷人持刀嚇民。一何勇。赴陣殺賊一。  
何棟。留賊還作劫。民資馬後斜駝雙女兒。

哀。朱。太。守。

崇禎五年正月遼兵圍萊州官軍不進太守  
急結賊與平賊偽降太守赴賊盟被執歿之  
城上旄頭夜光盪遼賊三萬躡聲唱正月圍城至八  
月分鹽煮弩悲相向朝中宰相會議頻徵兵羽檄如  
風雲官軍築壘百里外戰將連營幾十旬咫尺不知  
敵出沒賊來風雨驚衝突東人運米不到城化作萊  
河道傍骨車牛滿道無主收官司敲朴尚不休賊營  
婦女正歌舞萊民晝夜空回頭太守登陴自挽戈用



人緩頰非隋何。單騎不愧汾陽氣。回紇原非藥葛羅。  
旁人亦識出非計。儒生吏士皆牽袂。獨往堅持入虎  
穴。甘將一歎爲臣例。入營就虜開胡哨。伏發合圍刀  
出鞘。緋綬金章閃爍明。城上號咷城下笑。揚將軍謝  
中丞。謝同歎。揚守城。壕邊罵賊氣耿耿。張許安能獨  
擅名。噫吁嚱哀哉。廟謨由來關將相。忠臣歿後還分  
謗。假使盟成自解圍。二子功在凌烟上。

哭王鍾仙律詩四首并引

鍾仙子。詩友也。家南山下。貧而羸。孤介不偶。

癸酉孟春三日中有母妻之喪。又二日鍾仙作詩自挽。一慟而絕。予哭之以詩誌窮也。

奇窮理數總難齊。生歿憐君性不迷。萊子殉身終奉母。黔婁冥路又逢妻。夕陽破屋無煙火。垢面添丁有淚啼。收取相如遺墨在。篋中多半故人題。

其二

文章今古歿無禪。生不成名歿豈知。白玉自頒詞客詔。黃泉猶賦鬼仙詩。無錢免使烏啣紙。有鋪何妨蠅吊帷。琴已絕絃山水盡。伯牙不是哭鍾期。

其三

雄心傲骨氣錚錚，十載空吞泣路聲。  
賈島詩窮因瘦死，伯倫酒渴乃捐生。  
蠹殘魯壁書仍在，龍沒延津劍不平。  
從此南山無氣色，西州何處扣柴荆。

其四

曾於東谷題崖壁，風雨離披醉未醒。  
一日四愁強酒破，十年雙眼向山青。  
如君佳句猶傳說，似我新詩可耐聽。  
一束青芻滿把淚，龍蛇漫滅少微星。

五日採九仙山石菖蒲，同李鶴汀泛酒。

半夜寒光起石根。仙人纔去海雲昏。採來靈島三花影。留得天池九節痕。知我骨輕堪入道。看君機少可通元。一杯爲浸蒼龍脊。洗却從前老病魂。

同臧美斯劉奎墟從青霞君夜醉

山人野客共爲羣。丹氣爐香入夜醺。龍自洞中傳蜃法。鶴從天上得靈文。止疑醒後市朝變。不待歸來魏晉分。料得俗流應大笑。蟲飛蛙沸正紛紛。

山中謝俗子

蜀客方吹雪。夏蟲未知米。粉榆有翔雀。蛩彼垂天眼。

方隅匿聞見。遂使耳目瞢。誰信區宇外。日月沒川陵。  
昊旻空蒼茫。溟渤自沸騰。山海與南華。迷蔓如枯藤。  
不及芝菌質。濕氣猶堪蒸。聚散謀腥羶。腐鼠嚇霜鷹。  
安得涼飈至。吹此羣飛蠅。

余以庚申別虎丘。今十二載矣。辛未仲冬。聞故人陳古白趙凡夫俱先後謝世。遠念舊遊。因長言之。以紀往懷。

少年氣壯輕遠遊。一鞭千里來吳丘。兩眸射電照秋  
水。舌吐青蓮江漢流。爲愛虎丘一片石。讀書買酒尋

幽客煮遍惠山絕品茶。踏盡阮家幾量屐。是時古白  
住塔院。山僧寄語憑相見。一首新詩成故知。人生何  
必先覲面。山門杉檜劍池泉。臨池步月共參禪。或逢  
遊女看歌舞。時與隣僧得往還。除夕守歲居蘭若。風  
雪寒燈照寥廓。老衲煨爐共煮炊。一僕擁衾如病鶴。  
又向寒山看墊梅。買舟躡蹻遊江隈。凡夫自作山中  
主。留看靈巖十日回。靈巖路入神仙宅。響屨空留西  
施踏。天池茶樹萬林青。玄墓梅花千嶺白。看盡江南  
雪後春。春回冬盡客中貧。自別水國林間社。無復山

陽笛裏人。江山如夢年華逝。驥足鵬腰猶淹滯。歲暮  
煙波不見書。天涯雲樹空懸睇。茫茫南北十餘霜。游  
子愁多鬢易蒼。海內故交零落盡。空山雪夜憶金閨。  
九日遲丘子廩不至。明日欲追遊東山又不果。  
菊團白露酒中山。高客無心任往還。霜老茱萸囊自  
滿。石懸薜荔屐誰扳。交情鴻雁來無定。幽興雲霞動  
若關。我欲從之疎懶甚。千林風雨一人間。

丘子廩贈詩山樓兼饋薔薇露

小樓山色坐晴陰。客許題詩歲月深。贈我勝投青玉

素感君唯寄。白雲心。水香和露收。芳雪花氣流。酥出翠岑。借問水晶鹽。可似伊人無處得。追尋。

青霞洞

石裂天開見丹闕。中有至人藏。恍忽飲煉冰雪。伏砂爐走擲。煌霞鍛金骨。傍立甲士威。猙獰長劍羽。弓乘雙鉞。玉繩瑤函千萬重。秘笈層層不敢發。仙家無食。但飲酒。盃氣薰濃香徹。髮堂上巍巍傳賜丹。道冠黃服赤雲機。紫石磴上瑪瑙盤。銀液生光冰箸滑。至今不復記滋味。甜雪到腸塵胃沒。簷懸瀑布白練飛。人



言此下通溟渤。亭虛照碧階。陞空彷彿非。日亦非月。不知何時到平地。回頭反失青天窟。

南山白

朝見南山白。暮見南山青山。青山白。自氣候。頑石礪。豈能靈。誰知苔蘚非。歟物內藏變化。皆空形。人如麋鹿見其表。斧柯樵唱聲丁丁。洞門呀處山不見。但見翠眉童子開朱扇。仙人真耶。或妖幻。何爲高居玉室。知翻經。旁有兩白虎。領下垂金鈴。侍列者誰子。玄裳縞衣列雲屏。口中酒氣尚薰美。豈有鬼狐點他態。

不臭與腥。歸來口說眼未見。條忽輜駟乘青冥。天香  
氤氳紫霧亂。鸞旌白日來吾庭。秦皇漢武不可得。我  
何人斯。交游斗與星。焚香禮拜三嘆息。邪妄能不畏。  
雷霆書中妙墨縱橫起。短長滿紙青熒熒。此即非仙  
亦可樂。空山來往如飄螢。始知憐我有造物詩。文相  
發如新硎。何必更求千歲藥。南山但種松與苓。金銀  
氣索丹砂賤。富貴壽命如絲輻。天生老鶴瘦不羸。長  
喚一聲脫敗翎。

龍打雷

天上使龍如使牛。雲如土塊耕犁頭。犁奔土湧牛走  
 疾。大地雲起山河收。半空但知鞭牛背。地裂石破驚  
 九州。若非神物有全力。陽氣鬱勃誰能周。驕龍苦雨  
 行方懶。旱雲確確耕來緩。雷公長喙烏啄啄。火鱗閃  
 閃開雙眼。天皇種麥黃。烤收一夜耕。到天河淺。牛力  
 不及偶一鳴。哀號風雨聲。轟轟瓮中大叫皮。漫鼓指  
 敲耳響水沸鑄。澗底拋石振空谷。皆以虛氣應作聲。  
 音無大小隨所受。物有遠近互相磨。凡耳閉塞豈聞  
 天。虫蟻安得聽人言。期願耳聾醉漢夢。嬰兒病姬方

穩眠。輕嗽。偶語。反驚。覺聞。雷如坐。乘風船。聲外有聲。  
人不識。猶如。佛音。仙語。談幽玄。以龍比牛。疑我誕。以  
雲爲泥。原不幻。試登華岳。聽見啼雷。鳴脚底。風吹散。

拜明空和尚

坐見前身。與後身。身身相見。已成塵。再來華表。誰相  
識。除却維摩。無主人。九聖同航。惟苦行。佛仙覺路。是  
良心。不從衣底。叅龍象。嚼火翻空。何處尋。

喜明空入山因捐山之東建寺

破衲經行。花雨香。虎溪一錫。破蒼蕪。教移草木。春無

象。氣。動。龍。蛇。夜。有。光。赤。脚。投。林。拋。敗。屨。科。頭。煮。石。指。  
餘。糧。道。人。捨。與。山。前。地。明。日。白。雲。是。上。方。

讀王鍾仙遺藁

始。信。人。難。死。其。言。足。一。生。冰。腸。餘。劍。氣。寒。齒。帶。秋。聲。  
喜。怒。存。君。性。悲。歌。見。我。情。真。堪。傳。不。朽。貧。賤。累。聲。名。  
續。李。鶴。汀。方。士。南。山。下。

三。千。里。外。無。家。客。四。五。年。來。有。病。身。郭。璞。愛。山。多。斷。  
仄。君。平。厭。世。未。辭。貧。途。長。故。里。難。投。夢。鬼。弱。新。阡。不。  
起。燐。嶺。上。舊。遊。松。栢。暗。夕。陽。花。鳥。與。君。鄰。

冬園散步

無聊隨意往，野鳥共人來。  
拄杖霜籬晚，高吟風壑哀。  
溪山餘落日，濁酒冷蒼苔。  
自愧蓬蒿逕，因循未敢開。

其二

蕭疎風日晚，冬意遠山微。  
靜谷孤樵响，深林暮羽歸。  
夕陽明野色，落木動寒輝。  
出入因天命，窮愁未可違。

談天

儒者不但知讀書理，自謂如斯而已矣。  
帖括誤人眼中翳，青蠅入戶鑽窗紙。  
仰天但見空蒼蒼，日光倒照銀

河水豈知上有玉京十二樓。茫茫雲漢分邑里。如人  
平地看高山。及到山頭與地似。試將山色較天光。石  
氣晶熒翠相比。近前方識有去路。遠望空空那可擬。  
女媧雖補罅漏在。六鰲纔駕參差起。天上有天君不  
信九州風土原殊莖。泰山看日方半夜。滄海聞雷在  
水底。秦隴衣冠蠻貊言。南華奇異山海詭。世人觀實  
不觀虛。眯目尊經塞雙耳。若把青山看作地。朝暮山  
雲固誰是。始知平地有青冥。蟻垤蜂窩紛纍纍。何年  
鑿破青蓋翁。赤縣千年爭寸畧。

秋山夜靜聞蛩

萬物感秋氣。蕭然盡欲平。夜中動羣聽。各以其情鳴。  
秋山多遠蹙。滿野集寒蛩。細吟知何故。淒切同一聲。  
是時涼月出。獨坐開前楹。山風吹木葉。簌簌來相麇。  
微義自中發。倏忽如抽萌。誰念百草歇。內有暗蟲驚。  
啼寒求所託。垂翅終何成。壯懷動溪省。白髮與吾櫻。

問山中所遇

子房未遇漢。追隨黃石公。安期本齊士。結交善剗通。  
椎驚博浪沙。鼎熾建章宮。由來仙與俠。理異氣則同。



常以渾淪氣。往來天地中。殺人若有道。刺客多善終。  
男兒存血性。能使心常童。齒髮雖脫落。性地豈曠蕪。  
歿生本虛理。滅沒隨飄鴻。何必食丹砂。瘦腦撐方瞳。  
蓬壺隔天海。安知非樊籠。試看成仙者。往往皆英雄。

盆中石

具體寒山骨。居狀五岳觀。一拳藏曲折。四面備高寒。  
雲氣生虛白。苔光動衆端。不逢顛叟袖。誰作丈人看。

盆中魚

大小知魚命。何年縱巨川。江淮空仰沫。雲漢小窺天。

鱗鱗渾無賴。浮沉剩自憐。可能成變化。雙伏爾何言。  
盆中松

矯矯寒霜影。茯苓不出根。一枝藏鶴夢。九里具沙痕。  
拳屈豈天性。孤撐亦足尊。十圍終限汝。失托復誰論。  
癸酉仲冬獨宿五朶山僧舍

歲暮陰崖霜雪多。山寒石凍冷岩柯。溪煙欲散雲裾澹。  
澗樹忽鳴風自磨。草藉微陽留鹿臥。冰垂懸溜見僧過。  
空林有客山陰返。不問梅花坐薜蘿。

其二



曉報客村。雁守藥垣。春雨曉收鶯未起。晴絲高捲。燕  
初言。門前新水剛浮砌。欲取桔槔學灌園。

其二

晴嵐入戶。帶花開。天外爲家雞犬閒。溪鳥無心驚白  
眼。岫雲有意獻霜鬢。入林誰可邀同隱。采藥何年擬  
再還。莫道仙源無路上。漁郎應不在人間。

過東溪隨意往

山映疎林翠影低。數家松火隔秋谿。平沙細菊留人  
坐。遠嶺寒雲帶鳥栖。獨酌偶然思酒伴。閑行隨意處得

詩題夕陽明滅豆花落。又聽蟲聲過水西。

獨酌池上

衆鳥來林木。夕陽在遠枝。瓮香知酒熟。筆澁得詩奇。  
近水依石坐。羣山入盞移。簷間明月出。爲我照漣漪。

同江雪門游淮上湖心寺禮懺

一逕入湖心。菰蒲秋水陰。客塵憐爭土。宿劫掃玄音。  
冉冉雲翻貝。霏霏香出林。山門橫灌柳。古殿繪靈金。  
僧老旃檀氣。佛尊龍象深。共分香積飯。難布給孤金。  
歸路憑漁棹。茫茫何處尋。

秋日山居卽事

金天白露下疎林，曉色晴嵐一半陰。  
秋意漸隨梨葉瘦，閒情偏與菊籬深。  
苔光透竹娟娟冷，水氣浮霜細細沉。  
獨把釣竿緣底事，鷗鳧不起是吾心。

其二

門前新雨漲平灘，秋滿菰蒲淨碧灣。  
夜半寒聲先到樹，曉來爽氣已連山。  
雲輕渡水晴皆濕，雁過驚沙起亦閒。  
扶杖高原看鳥滅，無窮紅葉下潺湲。

醉

醉眼愛山青。林風吹復醒。興闌雲漠漠。口渴水泠泠。  
奇字書牆遍。狂吟借鳥聽。不嫌藜杖短。扶上小山亭。

白髮

蚤起悲明鏡。愁心未肯降。自憐身偃蹇。化作鬢蒼浪。  
書積蠹魚淡。絲抽促織腸。侍兒休鑷白。無復少年場。

琅邪臺觀海

海氣東南天半陰。三山明滅影沉沉。驪珠繞迸波濤  
黑。鯤翅微鳴風雨深。寥廓滄桑愁變化。蒼茫雲漢杳  
追尋。田橫徐福浮漚盡。一葉扁舟自古今。

其二

盤山東望接扶桑。日出人間夜未央。星斗浮沉隨浩  
漭。魚龍鱗甲動光芒。飄搖欲捲天爲浸。吐納全收谷  
盡王。潮汐往來唇市幻。海鷗泛泛笑秦皇。

秋興和子廩時予將有遠行

煙晴天末見平山。高閣垂簾飛鳥間。客思蒹葭應有  
路。秋程鴻雁若相關。車蓬雨細愁能載。屐齒風流杳  
莫攀。回首西林霜葉赤。天涯曲曲水灣灣。

癸酉歷下贈胡慕山慕山章丘人以孝旌食廩



自稱神枚翁。吾先世通家父執。至予三世矣。年七十而情不衰。詩以贈之。

相逢半日是黃虞。叟面童心世法殊。身似鼎彝存太古。人如懷葛見元初。袖中携有神枚卷。篋裏傳多遠歲書。笑殺時交無意味。雨雲翻覆欲何如。

其二

交情三世見龍鍾。久別忽逢涕淚生。大孝有餘倫盡厚。至誠能動壽爲徵。園桃親摘霜前菓。塲稻遙分水。下春七十老翁何所急。夕陽奔走歷城中。

醉歸月下

醉裏山公騎馬回，月明人笑接離盃。  
羅衣猶帶青苔色，纔向溪邊扶起來。

其二

渾疑踏雪來明月，却對梨花笑晚風。  
隔水不知雲是影，一聲孤嘯出林中。

秋日雨後同李方壺九弟見復登超然臺

古城祀菊近荒涼，秋色連天正淼茫。  
雲外川陵青簇簇，林間河漢鬱蒼蒼。  
艱難世路空長劍，老大乾坤一

短裳海內交游離亂後，  
凭高橫睇憶山陽。

其二

穆陵北望氣蕭森，  
東接扶桑大海陰。  
韓信鬪頭雨初霽，  
靈瓊邪臺上日將沉。  
十年書劍江湖夢，  
萬里旌旗關塞心。  
惆悵不堪頻極目，  
荒城秋暮起寒砧。

秋日過山居

靈籟滿山秋氣豁，  
先到草根與木末。  
灌莽蕭寂不待霜，  
石泉滴瀝那復渴。  
東崖日出白露晞，  
的礫溪沙淨撥撥。  
微黃到葉色先變，  
樹底鮮紅手可掇。  
秋園蚤起

晚花少。衣袷涼生換舊葛。入林鳥影曉偏靜。遠野蟲  
聲晚更賸。誰能酒熟行自斟。野菊含香未堪掬。棗栗  
垂墻風便收。十畝稻田夜來刈。農家喜樂近中秋。兒  
女啼啞誰耐喝。

春日過孫柔克同王中山登樓和壁間韻

樓下藤花蔓紫濃。綺寮低掩碧光溶。倒來綠蟻淡浮  
爵。揮去青蚨不挂筇。君命題詩多草率。我行戀席轉  
從容。十年再過巴山路。雨覆雲翻萬事慵。

過刺史孫德履園時將旋里

胸中丘壑有如斯。斗米安能得繫之。白水羨君終遂性。青山笑我久違時。入林靈運來還去。種秫陶潛歸便宜。當道何人存古意。拂衣東海憶尊絲。

甲戌春丘子如子廩東園文會甚盛事也子頗過不厭

藥闌花榭如吾意。皆有文心入此中。潑墨題詩多使酒。披襟臨水欲當風。芳尊野客白雲席。奇字名流青桂叢。每向東家問藜火。習池春草一時逢。

山中懷京師大兄

齊舊帝京居，中有宦遊人。文章走天下，物色空埃塵。  
出身各以道，屈伸皆有神。譬如大材木，空山久嶙峋。  
一朝遇斤匠，轉致達楓宸。乾坤眼中小，冠蓋何足倫。  
朝翔青瑣闥，暮集黃閣賓。片言取卿相，遇合古多因。  
應念南山下，杖屨歌沉淪。兄爲雲間鴻，弟爲水底鱗。  
同枝不相及，所託何必親。貧賤久別離，面目空因循。  
頭白守故業，獨坐仰秋旻。

聞孝廉侄如雲得上品牡丹兼詢分花久法  
名花產厚質，卉族稱獨尊。元氣何磅礴，芳艷擢名園。

人情私所好。肯買歸庭蔭。移花勿移土。移土傷本根。  
剪花勿剪蒂。剪蒂枝葉髡。君花壓衆芳。開大如車輪。  
主人喜獨立。不許衆花倫。愛惜籬內某。戕伐地下魂。  
造化無分別。美醜多并存。一本難賤弃。珍重雨露恩。

別德州孟幼輿兼寄盧德水進士爲游岱約

再來應可必。忽忽故山歸。所念在之子。雲霞出翠微。  
川岳與文人造。化留情機。當其未遇時。夢寐相依稀。  
不必造高深。神氣已翻飛。勝遊豈得阻。結駟焉可違。  
願如泰山松。歲寒無愆期。

明空上人同大眾開田

長。饒。短。鍾。亂。雲。堆。夜。有。山。神。劈。草。萊。月。滿。梅。檀。千。樹。  
映。春。隨。薺。蔔。一。時。開。收。將。瓜。豆。年。年。種。分。作。根。苗。處。  
處。栽。倒。轉。鐵。牛。耕。不。了。天。荒。破。盡。見。如。來。

題畫寒山圖寄長山劉永載

或說前身是畫師。與來潑墨有餘思。白煙點出青天。  
色。先。秋。山。無。盡。時。

其二

斗。持。五。壺。漢。如。許。與。爾。其中。得。臥。遊。思。欲。結。茅。留。不。



住。亂。雲。無。數。過。山。頭。

秋夜

溪壑秋深夜閉關。湫。狀。風。雨。一。時。還。林。聲。遠。谷。疑。傳。  
水。蛩。話。空。原。不。斷。山。木。葉。似。投。詩。鬼。信。月。明。初。冷。定。  
僧。願。千。岩。暗。室。一。燈。迴。長。嘯。開。窗。屋。斗。斑。

誠薄交人

朝雲出海甸。夜月升川陵。萬物隨所託。生意何含弘。  
遊心在忘物。大化貴無兢。居獨不自怡。感激生愛憎。  
桃李本無言。纍纍實相仍。譏諛何重厚。聽者自生骨。

秋風。弃敗。扇。綿絲。將何。憑。片言。生疑慮。絕弃。如割。繩。  
世交。在。眉睫。古道。存。貞恒。初意。當。自愛。中道。竟。模稜。  
一笑。少年。子。面。熱。多。淫。朋。智慧。有。時。倦。小羣。安。可。矜。  
落落。南山。石。聊。以。曲。吾。肱。

癸酉仲冬送九弟會試。是日同酌老母膝前。承  
歡各醉也。老母因責予疎狂。下第之罪。又教九  
弟以作吏清白。述先人一二事爲家法者。予兄  
弟皆涕泣拜命。各跪進酒一卮。謹述之。誌天倫  
中一日之樂。

嚴霜。仲冬晨。季子念行役。兄雖落魄歸。弟是春明客。  
炎涼。人氣殊。骨肉本無隔。下山送別離。老母布筵席。  
大舅自鄉來。餞甥實借澤。其人田舍翁。吉語相促迫。  
年老惜同胞。留坐話疇昔。遠言兒女事。笑談杯屢易。  
見予慘不歡。顏色多踟躕。老母呼我前。汝命豈獨阨。  
才各二十年。虛勞竟何益。天心惟眷勤。放浪易拋擲。  
及此不自努。爾家多早白。回頭看季子。一身有重責。  
功名伏禍機。門戶從前積。爾父歷清要。家貧無擔石。  
官俸五百金。捐帑當易篲。安知子孫福。非食前人液。

何事飽與溫。能不愧服。且言終涕有聲。兄弟淚填臆。  
同悲味不同。明發懷難釋。

不替庵。獨坐。天史告成。

秋陽商籟曉。來新夢裏。煙霞醒見身。石眼奔雲催。逝  
景日光穿隙動。行塵。幸多唾。賤。堪消劫。尚有飛揚未  
斷。嘆。觀想無窮。驚起坐。青天缺處湧水輪。

其二

何緣幽憤苦。耽奇媧。補還羞造物。知管底窺天。遭鬼  
譴。道傍決舍出狐疑。莊周夢蝶存消息。臧穀亡羊有

路岐久欲逃空去寒谷春風吹律問參差

懷鶴井序

家蓄一鶴數年矣戊辰携家入山共載之始  
作林下清侶也日來健翮初修玄裳似沐翹  
首望空却青霄而顧影梳翎曝日濯白露以  
長鳴余固愧乏稻粱亦知翩翩非籬下物也  
於九月初旬之夜忽憂狀孤唳者久之及晨  
則高視濶步俛仰徘徊振翼而起及乎天半  
渺聞風之九萬渡弱水之三千仰睇雲霄杳

狀無際。雖情不能已。余實爲雀得意焉。賦詩  
別之。

雲裏青天路幾盤。頂砂不動任風搏。徘徊故地能無  
意。天遠風高欲下難。

其二

舊住蓬山海上峯。千年一別暫相逢。可憐望斷鷺鶻  
眼。空向塵泥數脚踪。

其三

羣表重來憶舊翎。林間隨地有松苓。不如淡入青冥

去。海。內。何。人。識。一。丁。

其四

不。合。常。留。雁。鴛。池。人。間。天。上。總。藩。籬。往。來。只。在。虛。空。  
裏。鶴。在。庭。中。我。未。知。